



Газета 1966 йил 1 июлдан чиқа бошлаган

ШАХАР ИЖТИМОЙ-СИЁСІЙ КУНДАЛИК ГАЗЕТАСИ

№ 214 (13.811)

Баҳоси эркин нарҳда



## ЎЗБЕКИСТОН ПРЕЗИДЕНТИНИНГ ТУРКМАНИСТОН ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

**13 ноябрь куни Ўзбекистон Республикаси Президенти Шавкат Мирзиёевнинг Туркменистон Президенти Гурбангули Бердимухамедов билан телефон орқали мулоқоти бўлиб ўтди.**

Сўхбатда давлат раҳбарлари кенг кўламли икки томонлама ҳамкорликнинг ҳолати ва уни олий даражада эришилган келишувлар доирасида ривожлантириш истиқболларини муҳокама қилдилар.

Ўзбекистон ва Туркменистон раҳбарларининг мунтазам учрашув ва мулоқотлари икки томонлама дўстлик ва стратегик шериклик муносабатларини янада мустаҳкамлаш, иқтисодийнинг турли тармоқларида амалий ҳамкорликни кенгайтириш учун ишончли пойдевор бўлиб хизмат қилаётгани катта мамнуният билан қайд этилди.

Президентлар ўзаро товар айирбошлашни кўпайтириш, санатор, энергетика ва қишлоқ хўжалигида кооперацияни кучайтириш, самарали транспорт йўлакларини шакллантириш, ҳудудларро ва гуманитар алмашувни фаоллаштириш масалаларига алоҳида эътибор қаратдилар.

Томонлар ҳамкорликнинг энг муҳим йўналишлари, жумладан, минтақавий хавфсизлик ва барқарорликни таъминлаш, замонавий хатар ва таҳдидларга қарши курашиш, сув ресурсларидан оқилона фойдаланиш, энергетик салоҳиятни самарали ривожлантириш борасидаги ёндашув ва позициялари муштарак эканини қайд этдилар.

Икки ва кўп томонлама кенг кўламли ҳамкорликни давом эттириш, шунингдек, халқаро майдонда ташаббусларни ўзаро қўллаб-қувватлаш ва минтақада йирик инфратузилмавий лойиҳаларни амалга ошириш муҳимлиги таъкидланди.

Давлат раҳбарлари қардош Ўзбекистон ва Туркменистон халқларининг фаровонлиги йўлида кўп асрлик дўстлик, яхши қўшнилик ва стратегик шериклик таъминлашга асосланган кўп қиррали муносабатларини изчил кенгайтириш ва мустаҳкамлаш борасида интилишлари қатъий эканини яна бир бор тасдиқладилар.

ЎЗА

## ХАЛҚИМИЗ ТИББИЙ ХИЗМАТДАН РОЗИ БЎЛМАС ЭКАН, ТИНИМ БИЛМАЙМИЗ

**2018 йил 13 ноябрь куни Олий Мажлис Қонунчилик палатасининг навбатдаги мажлиси бўлиб ўтди. Унда депутатлар мамлакатимизда соғлиқни сақлаш тизимини ислоҳ қилиш, мавжуд тизимли муаммоларни бартараф этишга қаратилган масалани кўриб чиқдилар.**

Маълумки, шу йил 9 ноябрь куни Ўзбекистон Республикаси Президенти Шавкат Мирзиёев раислигида танқидий-таҳлилий руҳда ўтган соғлиқни сақлаш тизимини ривожлантириш, ҳудудлар аҳолисини сифатли тиббий хизмат билан қамраб олиш, тиббиёт муассасалари моддий-техник базасини мустаҳкамлаш борасидаги ислохотлар натижаларини таҳлил қилиш ва истиқболдаги устувор вазифаларни белгилашга бағишланган видеоселектор йиғилиши ўтказилган эди.

Дарҳақиқат, келтириб ўтилганидек, кейинги икки йилда Президентнинг соҳага оид 50 та фармон, қарор ва фармойиши, Вазирлар Маҳкамасининг 70 дан зиёд қарор ва фармойишлари қабул қилинди. 6 та янги илмий-амалий тиббиёт маркази ташкил этилиб, улар сони 16 тага етди. Аҳолига янада қулайлик яратиш мақсадида ҳудудларда уларнинг 10 та филиали иш бошлади. Туман ва шаҳар шифохоналарида 300 дан зиёд янги ихтисослашган бўлим, 1 миң 200 та тез тиббий ёрдам шохобчаси очилди.

Умуман олганда, жорий йилда тиббиёт соҳасига давлат бюджетидан 2017 йилга нисбатан 40 фоиз кўп маблағ ажратилди. Йиғилишда келаси йил соҳага қарийб 30 фоиз кўп маблағ йўналтириш режалаштирилгани қайд этилди.

(Давоми 2-бетда)



## ПОЙТАХТНИНГ БИР КУНИ

**Президентимиз Шавкат Мирзиёевнинг 2018 йил 29 июнь куни пойтахтимиздаги 32 мингдан зиёд ёшлар таҳсил олаётган "Ёшлик" талабалар шаҳарчасига ташрифи чоғида берган топшириқлари ва белгиланган вазифалар ижросини таъминлаш, талабаларнинг бўш вақтини мазмунли ташкил этиш мақсадида "Students day!" ёшлар ҳафталиги бўлиб ўтмоқда.**



## ТОШКЕНТДА ЁШЛАР ҲАФТАЛИГИ БОШЛАНДИ

Ҳафталик тадбирини "Талаба-ёшларнинг илмий ишланмалари ва инновацион ғояларини қўллаб-қувватлашда ижтимоий ҳамкорлик масалалари" мавзусидаги илмий-амалий конференция ва ёшларнинг стартап лойиҳалари тақдироти бошлаб берди.

Конференцияда мутахассислар, устоз педагоглардан ташқари фаол, изланувчан талабалар ҳам ўз маърузаси билан иштирок этди. Иш-

тирокчилар ихтирочи, креатив лойиҳа муаллифларининг ишлари билан танишди.

Ҳафталик тадбирлари доирасида ўқиш ва изланишда, ҳаётнинг турли жабҳаларида фаол ёшларнинг Олий Мажлис Қонунчилик палатаси биносига ташрифи режалаштирилган. Бу ерда "Талаба-ёшларнинг қонуний манфаатларини ҳимоя қилишнинг ҳуқуқий асослари" мавзусида давра сўхбати

ўтказилади. Шунингдек, "Ёшлик" шаҳарчасида истиқомат қилувчи талабалари ўртасида футбол бўйича "Ёшлик кубоги" спорт мусобақаси, "Талабалар юридик клиникаси" ва "Талабалар психологик маркази" тақдирот маросими, ёшларнинг ҳаётда ўз ўрнини топиши учун "Work out to work" маҳорат дарслари ҳам ташкил этилади.

Инобат АҲАТОВА

## СТРАТЕГИК РЕЖАЛАШТИРИШ БЎЙИЧА БУЮК БРИТАНИЯ ТАЖРИБАСИ ҚАНДАЙ?

**Ўзбекистон Республикаси Олий Мажлиси ҳузуридаги Қонунчилик муаммолари ва парламент тадқиқотлари институти томонидан "Парламент ва унинг тадқиқот хизмати фаолиятида стратегик режалаштириш: Ўзбекистон ва Буюк Британия тажрибаси" мавзусида халқаро илмий-амалий семинар ўтказилди.**

Президентимизнинг 2018 йил 8 августдаги "Норма ижодкорлиги фаолиятини такомиллаштириш концепциясини тасдиқлаш тўғрисида"ги фармони ижроси доирасида ташкил этилган тадбирда Олий Мажлис Қонунчилик палатаси депутатлари, Буюк Британиянинг Ўзбекистондаги элчихонаси, Вестминстер демократия фонди вакиллари, Адлия вазирлиги ҳузуридаги Ҳуқуқий сиёсат тадқиқот институти ходимлари иштирок этди.

Бугунги кунда ҳар бир давлат идораси ўз олдида юқори мақсадларни қўяр экан, бунда стратегик режалаштиришга катта эътибор қаратади. Чунки, ислохотларни ўз вақтида амалга ошириш, фақат бугунги эмас, балки келгусида ҳам содир бўладиган воқеликни назардан қочирмаслиги лозим. Бу эса бўладиган жараёнларга олдиндан тайёргарлик кўриш, юзага келувчи муаммоларни бартараф этишнинг муҳим омилли ҳисобланади.

— Стратегик режадан қўзланган мақсад ташкилотнинг узоқ давр мобайнида ўз олдида қўйган мақсадларни самарали тарзда амалга оширишга ёрдам беради, — дейди Қонунчилик муаммолари ва парламент тадқиқотлари институти илмий ходими Акбаршоҳ Те-

шабоев. — Кўп йиллик тарихга эга инглиз парламенти бу борада катта тажриба тўплаган. Бугунги кунда дунёнинг кўплаб давлатлари ушбу амалиётни чуқур ўрганиб, фойдали жиҳатларини жорий этмоқда. Биз ҳам бу каби ислохотларни юксак баҳолаган ҳолда мамлакатларимиз парламентлари ўртасидаги ҳамкорлик муносабатларини ўрганиш, янада ривожлантиришга ҳаракат қиламиз.

Семинарда жорий йилнинг август ойда Қонунчилик муаммолари ва парламент тадқиқотлари институти ҳамда Вестминстер демократия фонди ўртасида имзоланган ўзаро меморандумга кўра келгусида соҳага оид вазифалар белгилаб олинди.

Буюк Британиялик экспертлар иштирокида стратегик режалаштиришнинг мазмун-моҳияти, аҳамияти, қўллаш амалиёти ва бошқа қўллаб масалалар бўйича ўзаро фикр алмашилди. Соҳа мутахассисларининг замонавий давлат бошқаруви ва парламент фаолиятини, тадқиқот институтларининг стратегик ва бизнес режаларини тузиш каби мавзуларда маърузалари тингланди.

Абдулазиз МУСАЕВ,  
ЎЗА мухбири

**XXI аср саҳоси**  
Барча маъбалардан олинган сўнги хабарлар

**МАМЛАКАТИМИЗДА**

● Республика ихтисослаштирилган онкология ва радиология илмий-амалий тиббиёт маркази Тошкент вилояти филиалининг янги патоморфология ва цитобиокимё бўлими фойдаланишга топширилди. Қисқа фурсат ичида бу ерда 1 қаватли эски бино ўрнида 2 қаватли замонавий бино қад ростлади. Бинонинг биринчи қаватида патоморфология бўлими, иккинчи қаватида клиник цитобиокимё лабораторияси жойлашган. Барча зарур шароитларни ўзида мужассам этган мажмуанинг қурилишига давлатимиз томонидан 1 миллиард 322 миллион сўмдан зиёд маблағ йўналтирилди.

● Ўзбекистон Республикаси Бош прокуратурасида "Yoshlar – kelajagimiz" Давлат дастурига

## Ўзбекистон Республикаси Президентининг ҚАРОРИ

### ПАРРАНДАЧИЛИКНИ ЯНАДА РИВОЖЛАТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Мамлакатимизда паррандачилик соҳасини ривожлантириш ва экспортга мўлжалланган тайёр маҳсулотлар ишлаб чиқариш ҳажминини ошириш ва турларини кенгайтириш, шунингдек, аҳолини маҳаллий ишлаб чиқарилган сифатли ва арзон паррандачилик маҳсулотлари билан таъминлаш бўйича изчил чора-тадбирлар амалга оширилмоқда.

Шу билан бирга, соҳани янада жадал ривожлантиришга, жумладан, замонавий технологияларни жорий этиш, ишлаб чиқариш жараёнини модернизация қилиш ва тайёр паррандачилик маҳсулотлари экспортини кенгайтиришга тўққонлик қилаётган қатор муаммолар мавжуд. Хусусан:

**Биринчидан**, паррандачилик маҳсулотларини қайта ишлаш даражаси паст, тармоқ маҳсулотларини ишлаб чиқариш ва экспорт қилишда ярим тайёр маҳсулотлар улуши юқорилигича қолмоқда, шунингдек, парранда чиқиндиларини чуқур қайта ишлаш тизими йўлга қўйилмапти;

**Иккинчидан**, паррандачилик соҳасида асосан товуқ етиштириш билан чеклиб қолинмоқда, бошқа парранда турлари (курка, бедана, ғоз, ўрдак, тукуш, каклик ва бошқалар) етиштиришни оммалаштириш чоралари кўрилмапти;

**Учинчидан**, парранда касалликларини ўз вақтида аниқлаш ва уларнинг олдини олиш бўйича замонавий биология лабораториялар ташкил этилмаганлиги оқибатида паррандалар орасида юқумли касалликлар тарқалиб бормоқда;

**Тўртинчидан**, соҳада малакали кадрлар тайёрлаш, уларни ишлаб чиқаришнинг замонавий услубларига ўқитиш, соҳа мутахассисларида инновацион ёндашулар ҳамда кўникмаларни шакллантириш, ишлаб чиқаришда юқори сифатга эришиш учун хорижий мутахассисларни жалб қилиш ишларига етарлича эътибор қаратилмапти;

**Бешинчидан**, парранда озуқа базасини яратиш, импорт ўрнини босувчи озуқа маҳсулотларини ишлаб чиқариш ишлари талаб даражасида йўлга қўйилмаган;

**Олтинчидан**, парранда маҳсулотлари экспорт қилинаётган давлатлар географиясини кенгайтириш, шу орқали экспорт ҳажминини кескин ошириш чоралари кўрилмаган;

**Еттинчидан**, соҳага тўғридан-тўғри хорижий инвестицияларни киритиш бўйича тажриба етарли эмас, бу борада етакчи хорижий ҳамкорлар билан яқин алоқалар йўлга қўйилмапти.

Республикада паррандачиликни янада ривожлантириш ва ҳар томонлама қўллаб-қувватлаш, соҳага илгор технологиялар ва инновацион ишланмаларни жорий этиш, парранда маҳсулотларини қайта ишлашни чуқурлаштириш, уларнинг турлари ва экспорт кўламини кенгайтириш мақсадида:

**1. Куйдирилган паррандачилик соҳасини ривожлантириш бўйича устувор вазифалар этиб белгиланган:** рақобатбардош парранда маҳсулотлари ишлаб чиқариш орқали аҳолини етарли миқдорда парранда маҳсулотлари билан барқарор ва мақбул нарҳларда таъминлаш, экспорт салоҳиятини ошириш;

илгор хорижий давлатлар тажрибасидан фойдаланган ҳолда паррандачилик кластерларини ташкил қилиш, бунда инновацион технологияларни кенг татбиқ этиш; соҳага фаол инвестиция жалб этиш орқали парранда маҳсулотларини, шу жумладан, парранда чиқиндиларини чуқур қайта ишлаш, юқори қўшилган қийматли парранда маҳсулотларини ишлаб чиқариш;

илмий-диагностика лабораториялар ташкил қилиш орқали паррандалар орасида касалликларни барвақт аниқлаш ва олдини олиш чораларини кўриш;

озуқа базасини кенгайтириш, импорт ўрнини босувчи озуқа ва витаминларни ишлаб чиқариш; паррандачилик соҳасида юқори малакали мутахассисларга бўлган жорий ва истикболдаги эҳтиёжларни ҳисобга олган ҳолда кадрлар тайёрлаш, қайта тайёрлаш ва уларнинг малакасини оширишни таъминлаш.

(Давоми 2-бетда)

## ЖАҲОНДА


● Аргентинанинг махсус хизмат ходимлари томонидан кичик бир армиясини қуроллантиришга етарли бўлган автоматлар, милтиклар, тўпончалар ва ўқ-дорилардан иборат қурол-яроғлар катта туркумининг контрабандаси мусодара этилди. Ҳозирда мамлакат ҳарбийлари томонидан жорий йилнинг 30 ноябрида Буэнос-Айресда бўлиб ўтадиган катта йиғирмаликда саммити олдиндан сузда, ҳавода ва қуруқликда хавфсизлик чоралари кучайтирилди.

● Сурия пойтахти Дамашқ шаҳридаги 2012 йилда ҳарбий моҳарола туфайли ёпилган миллий музей ўз эшикларини яна очди. Унда бир ярим миңдан ортиқ ноёб экспонатлар намойиш этилмоқда.

● Австралиянинг шимолий-шарқий қирғоғида яхтани бошқариб бораётган 36 ёшли киши акуланинг ҳужумига дуч келди. Ундан етган кучли жароҳатлар оқибатида мазкур спортчи ҳаётдан кўз юмди. Бу Австралия қирғоқларида кейинги бир ойда акулаларнинг одамларга қилган учинчи ҳужумидир. Маълумотларга қараганда Австралия жаҳонда акулаларнинг инсонларга ҳужуми бўйича АҚШдан кейин иккинчи ўринда туради.







Футбол шундай ўйинки, уни дунёнинг ҳар бир бурчагида билишади, севиб ўйнашади ва мухлислик қилишади. Футбол ҳақида кичик бўлсада тасаввурга эга бўлмаган инсон бўлмаса керак. Шунинг учун ҳам уни миллионлар ўйини деб аташади. Футбол бўйича ҳар тўрт йилда ўтказиладиган жаҳон чемпионати аудитория жиҳатдан энг нуфузли спорт мусобақаси бўлган олимпиада ўйинларидан ҳам олдинда туриши унинг қанчалик оммалашганидан далолат беради.

Бошқа спорт турларида асосан спортчилар машҳур бўлади, танилади. Аксарият ҳолларда мураббийлар, ҳакамлар унчалик эътиборга тушмайди, яъни танилиб, машҳур бўлганлари жуда кам. Футболда эса нафақат футболчилар, балки мураббийлар ва ҳатто ҳакамлар ҳам машҳурлик чўққисига кўтариладилар. Улар билан бирга тўғилиб ўсган ватанининг номи ҳам бутун дунёда тилга олинади.

Виктор Кашшай (Венгрия), Жунейт Чақир (Туркия), Юичи Нишимура (Япония), Наваф Шукрала (Баҳрайн) бу инсонларни бутун дунёда яхши танишади. Венгрия ёки Баҳрайн миллий чемпионатидаги клублар ёхуд миллий терма жамоалари дунёда эътироф этиладиган даражада юқори натижаларга эришмаган. Аммо ўша мамлакатлардан чиққан футбол ҳакамларини бугун бутун дунё тан олмоқда.

Худди шундай, бизнинг ватанимиздан ҳам футбол оламида бир инсон порлаб чиқдики, уни бутун дунё тан олди. Бу ўша 2010 йилги жаҳон чемпионатининг очилиш маросимида Ўзбекистон номини стадион узра баралла айтилишига сабабчи бўлган Равшан Эрматовдир. Биз бугун фахрланиб, ғурурланиб, ютуқларини айтишдан чарчамайдиган бу инсон аслида фаолиятини футболчиликдан бошлаган эди.

Равшан Эрматов 1977 йилнинг 9 августда Тошкент шаҳрида туғилган. Отаси Сайфиддин Эрматов футбол мураббийси бўлиб, кўпинча республика биринчиликларида ва собиқ иттифоқ чемпионатининг иккинчи лигаси ўйинларида ҳакамлик ҳам қиларди. Бундан аён бўладигани Р.Эрматов футбол ичиде улғая бошлаган. Ярим ҳимоячи бўлган бўлажак ҳакам, биринчи лигада "Газалкент", "Истиклол", "Шайхонтохур" жамоаларида тўп сурган. "Пахтакор"

ҳамда Миллий терма жамоа сафида ўйнашни орзу қилган қаҳрамонимизнинг ҳаёти бир тасодиф туфайли бутунлай ўзгариб кетган. Кетма-кет олинган икки жароҳатдан сўнг шифокорлар унга бошқа футбол ўйнамасликни айтишади. Футболга меҳр қўйган Р.Эрматов маълум вақт отасига ёрдамлашиб юради. Кунларнинг бирида шаҳар биринчилиги учун ёшлар ўртасидаги мусобақада тасодифан

2007 йилнинг февраль ойида Р.Эрматовнинг ҳаётида орзусидаги энг катта воқеа содир бўлади. 2010 йилда Жанубий Африка Республикасида ўтказиладиган жаҳон чемпионати финал ўйинларини бошқаришга номзод бўлган 54 ҳакамдан иборат рўйхатга киритилади. 2008 ва 2009 йилларда Осиёнинг энг яхши ҳаками деб топилган Равшан Эрматов 2010 йилги жаҳон чемпионатини бошқарадиган ҳакамлар рўйхатидан жой олади.

2010 йилги ЖЧнинг очилиш ўйинини ишончли бошқарган ўзбек ўғлонига яна тўртта учрашув ишониб топширилди. 2014 йилда Бразилияда бўлиб ўтган мундиалда 4 та ва жорий йилда Россияда ўтказилган чемпионатда иккита ўйинни бошқарган ватандошимиз футбол бўйича жаҳон чемпионатларида энг кўп ўйин ўтказган реферига айланди. Бундан ташқари, Осиё кубоги, Конфедерациялар кубоги, Клублар ўртасидаги жаҳон чемпионати, Осиё чемпионатлар лигаси, ОФК кубоги каби кўплаб катта футбол мусобақаларида ҳакамлик қилган ва ҳозирда ҳам фаолиятини давом эттирмоқда.

Тўққиз бор Ўзбекистонда, 5 қара Осиёда йилнинг энг яхши ҳаками бўлган Равшан Эрматов "Ўзбекистон ифтихори" фахрий унвони, "Эл-юрт хурмати" ва "Буюк хизматлари учун" орденлари билан тақдирланган. 2015 йилда Globe Soccer Awards танлови бўйича "Йилнинг энг яхши ҳаками" деб топилди.

— Ҳаётда фақат олдинга қараб интилишни ўргандим, — дейди Р.Эрматов. — Менда ўзим ёқтирган машғулотдан воз кечиб, бошқа ишни бошлашдек мураккаб "жараён" бўлган. Аксарият ҳолларда бундай вазиятда одамлар муваффақиятсизликка учрайди. Фақат олга интилиш ва тинимсиз меҳнат эвазига мана шундай натижаларга эришимиз. Ортимизда иқтидорли ёшлар жуда кўп. Спортга қаратаётган эътибор, яратилаётган шарт-шароитлардан самарали фойдаланиб улар албатта катта ютуқларга эришиши мумкин. Бунинг учун улар ўз устидан тинмасдан ишлаши, юқори чўққиларни мақсад қилиши керак.

Абдуалим САЛИМОВ

## ТИНИМСИЗ МЕҲНАТ ВА ИНТИЛИШ – ЮКСАК НАТИЖАЛАР ОМИЛИ

ўйинга белгиланган ҳакам келмай қолади. Ўйинни бошқариш Равшан Эрматовга топширилади. 90 дақиқалик ўйинни рисоладагидек бошқарган Р.Эрматовнинг ҳакамлик фаолияти ана шу учрашувдан бошланган эди.

2001 йилда олий лигадаги дастлабки ўйинини ўтказган Р.Эрматов меҳнатсеварлиги ва интилувчанлиги туфайли тез орада кўп нарсани ўрганди. Чет тилини яхши билганлиги унинг имкониятларини янада оширди. Иқтидорли ҳакамни ОФК кубоги баҳсларини бошқаришга тақдир этишди. 25 ёшга тўлган эса ФИФА рефериси унвонини олди.

Шундан сўнг Осиё чемпионатлар лигаси, ОФК кубоги, Осиё чемпионати ва жаҳон биринчилиги саралаш учрашувларини бош ҳакам сифатида бошқарди. Маҳоратини йилдан йилга ошириб борди. Ўсмирлар ўртасидаги, ёшлар ўртасидаги ва йигирма ёшлилар қатнашувчи жаҳон чемпионатларида реферилик қилди.

Кун кеча "Ўздавэргоназорат" инспекцияси Тошкент шаҳар бўлимида "Коррупцияга қарши курашишнинг ҳуқуқий асослари" мавзусида давра суҳбати бўлиб ўтди.

## КОРРУПЦИЯГА ҚАРШИ КУРАШИШНИНГ ҲУҚУҚИЙ АСОСЛАРИ

Йиғилишда коррупцияга қарши кураш юзасидан республика бўйича олиб борилаётган чора-тадбирлар, миллий ва халқаро қонунчилик, жамият тараққиётига путур етказувчи иллат билан курашишнинг ҳуқуқий асослар тўғрисида тўхталиб ўтилди. Шу ўринда, Ўзбекистон Республикасининг Президенти томонидан 2017 йил 2 февралдаги "Коррупцияга қарши курашиш тўғрисида"ги Ўзбекистон Республикаси Қонунининг қоидаларини амалга ошириш чора-тадбирлари тўғрисида"ги қарори бугунги кунда ушбу йўналишда амалга оширилаётган чораларни янада кучайтиришда дастурулама

бўлмоқда. Йиғилишда бу борада миллий ва ривожланган демократик давлатлар тажрибасига урғу берилиб, давлат ҳокимияти идоралари фаолиятида қонунчилик талабларига риоя қилиш ва қонун устуворлигини таъминлаш, коррупцияга қарши қабул қилинган меъёрий ҳужжатларнинг амалиётда қўлланишини ҳар томонлама ўрганиш, уларни янада такомиллаштириш юзасидан ташқинчалар берилди.

**А.ТИРКАЧЁВ,**  
"Ўздавэргоназорат" инспекцияси  
Тошкент шаҳар бўлими  
инспектори

## "ТОШКЕНТ ОҚШОМИ" ва "ВЕЧЕРНИЙ ТАШКЕНТ"

Эълонлар шанба ва якшанбадан ташқари ҳар кун соат 9.00 дан 16.00 гача қабул қилинади. Маълумотлар учун телефон: 233-28-95. Факс: (371) 232-11-39. Манзилимиз: Матбуотчилар кўчаси, 32-уй, 2-қават, 225-хона.

## АВТОМАШИНА ЎФРИСИ...

Ўша кун 8 март – хотин-қизлар байрами эди. Музаффар хусусий клиникада ишлайди. Бугун эртарақ ишларини битириб, гул олиб уйга қайтишни хаёл қилди. Эрта тондан ишхонасига ўзининг "Спарк" автомашинасида келди. Машинасини автотураргоҳга жойлаштирди. Эшикларини қулфладим деб ўйлаб ишхонасига кириб кетди. Тушликкача берилиб ишлади. Соат 14:00 ларга яқин ташқарига чиқди. Не кўз билан кўрсинки, машинаси жойида йўқ...

Машина олиб қочилган. Ким қилган бу ишни? Зудлик билан тегишли органга хабар берди. Орадан маълум вақт ўтгач, ички ишлардан унга машинаси топилганлиги ҳақида айтишди. Кимдир машинасини Мирзо Улуғбек тумани ТТЗ даҳасидаги кўп қаватли уйлар олдида қолдириб кетибди. Бориб, кўшимча калит билан автомашинаси эшикларини очди. Машина ичидеги 300 минг сўм пул, ҳайдовчилик гувоҳномаси, техник паспорти, суғурта полиси, хуллас машинага тегишли ҳужжатлар йўқ эди.

Олиб борилган тезкор тадбир натижасида автомашина ўғриси топилди. Уни 1997 йили Фаргона вилоятида туғилган Собиров Исроҳон Илхомжон ўғли содир этганлиги аниқланди. Исроҳоннинг суд мажлисида тушунтириш беришича, ўша кун соат 11.30 ларда хусусий клиника ёнидан ўтаётган вақтда "Спарк" русумли автомашинанинг эшикларини очиб, калит ўз жойида

турганлигини кўриб қолади. Жуда яхши бўлди, деб ўйлаб машинага бемалол ўтириб, ўт олдириб, Чорсу томонга ҳайдаб кетади...

Музаффар кўрдики, машина бусбутун, ҳеч жойига шикаст етмаган. Аммо пул ва ҳужжатлар йўқолган.

Суд мазкур ишни ҳар томонлама кўриб чиқиб, тарафларнинг фикрини инобатга олиб, қонун асосида ҳукм ўқиди. И.Собиров Ўзбекистон Республикаси Жиноят кодексининг 227-моддаси, 2-қисмининг "а" банди билан айбланиб, иш ҳақининг 20 фоизини давлат даромади ҳисобига ушлаб қолган ҳолда 2 йил ахлоқ туза-тиш ишлари жазоси тайинланди.

Шу тариқа автомашина ўғриси жазосини олди. Мақола сўнггида айтар сўзимиз: автомашинангизни очиб ҳолда қолдирманг, мулкнингизни авайланг, ўзингизни эҳтиёт қилинг...

**Б.УМИРОВ,**  
жиноят ишлари бўйича  
Олмасор тумани суди судьяси

**Тошкент Оқшом**  
МУАССИС: ТОШКЕНТ ШАҲАР ҲОКИМЛИГИ

Манзилимиз: 100029, Тошкент шаҳри, Матбуотчилар кўчаси, 32

ТЕЛЕФОНЛАР:  
Эълонлар: (0-371) 233-28-95  
факс: (0-371) 233-29-55

Душанба, сешанба, чоршанба, пайшанба ва жума кунлари чиқади  
Нашр кўрсаткичи — 563

2007 йил 19 январда Тошкент шаҳар Матбуот ва ахборот бошқармасида 02-1-рақам билан рўйхатга олинган

Ҳажми — 2 босма табоқ, офсет усулида босилади.  
4268 нусхада босилди.  
Қоғоз бичими А-2

Нашрни етказиб бериш масалалари бўйича турар жойлардаги почта бўлимларига ёки «Тошкент почтамтига» — 233-74-05 телефонига мурожаат қилишигиз мумкин.  
Газета таҳририят: компьютер марказида терилди ва саҳифаланди.

Нашр учун масъул О. Ҳазратов  
Босишга топширилди: 14.00

**Ўзидромет**  
ХАБАР ҚИЛАДИ  
Тошкент шаҳрида 15 ноябрь кунини ҳаво ўзгариб туради, ёлғизчилик бўлмади. Кечаси ва эрталаб туман тушиши мумкин. Шарқдан секундога 3-8 метр тезликда шамол эсади. Ҳарорат кечаси — 1-3 даража совуқ, кундузи — 8-10 даража илқ бўлади. Ўзидрометнинг мониторинг хизмати маълумотига кўра, 15 ноябрда Тошкент шаҳрининг об-ҳаво шароити шаҳар ҳаво муҳитида зарари моддаларининг бир оз тарқалиб кетишига имконият яратмади, ифосланиш даражаси паст бўлади.

«Шарқ» нашриёт-матбаа акциядорлик компанияси босмахонаси, Корхона манзили: Буюк Турон кўчаси, 41-уй  
Бош муҳаррир АҚМАЛ АҚРОМОВ